


古逸詩載


五之六




漢書門			
一	一	八	〇
二	〇	五	〇
四	二	〇	五
冊	架	函	號

內閣文庫			
三	一	二	漢
九	一	一	〇
函	〇	五	〇
三	四	〇	五
架	冊	號	類

內閣文庫			
番號	漢	11105	
冊數	4 (3)		
函號	319	16	





古逸詩載第三冊目錄

卷五

楚

懷王輕風流水

頃襄王大言賦

楚箴

楚人誦子文歌

卞和獻玉退怨歌

忼慨歌

淺草文庫

昭霧秋霜

楚王子思歸歌

鬪穀於菟引諺

其思革子三士操

優孟歌

商梁霹靂引

楚人諸御已歌

子瑕引諺

楚漁父渡伍員歌

童謠

陸通接輿歌

申苞胥歌

扈子窮劫之曲

屈原自沉操

涉江

采菱

陽阿

勞商

楚人競渡歌

莊辛引語

唐勒大言賦

小言賦

景差大言賦

小言賦

宋玉大言賦

小言賦

稱詩

下里

巴人

薤露

陽阿

陽春

白雪

引商

刻羽

王詡引言

引語

鶡冠子語

荀况成相雜辭

三章

俛詩

引鄙諺

賦

引逸詩

引言

引語

楚人麥城謠

三戶謠

引諺

楚越人擁楫歌

湘中漁歌

巫山女辭

卷六

秦

穆公筮伐晉辭

鳩飛

河水

始皇祠洛水歌

鄒嶧山刻石銘

泰山刻石銘

瑯琊臺刻石銘

之罘山刻石銘

東觀銘

碯石刻石銘

會稽山刻石銘

金人銘

良常山銘壁文

瀉池語

張儀引語

蘇秦引語

李冰誓江神碑辭

湔崩堰官碑辭

蔡澤引語

呂不韋引逸詩

引齊鄙人諺

二章

引諺

公孫鞅引諺

趙良引語

客卿造引逸詩

屠門高琴引詩

優旃戲武士語

漆城歌

國人謠

諺

長城歌

甘泉歌

河圖引蜀謠

泗上謠

長水謠

阿房謠

巴謠歌

水市謠

沙丘謠

三秦記民謠

百甲奚妻琴歌

秦琴女負劍歌

蜀主幽魂之曲

歸耶之曲

東平曲

曳耶歌

龍歸曲

女夷鼓歌

燕巴人嬾歌

白露

朝日

魚麗

白水

白雲

巴陵

陽陵

江南

淮南

延露陵陽

嘯喻

于遮

顛歌

聊許歌

嘯與歌

流風

燕

昭王縈塵

集羽

旋懷

燕王喜引語

又諺

荆軻渡易水

鄒

穆公引周諺

虞

志虞侯引周諺

官之奇引諺

越

西勾踐壽吳王辭

引諺

章暢

諸稽郢引諺

羣臣祝越王辭

陳音彈歌

文種祝越王辭

國人離別相去辭

軍人河梁歌

國人祝友辭

赴湯蹈火歌

越王夫人烏鳶歌

采葛婦若何歌

徐

徐人季子歌

西楚

霸王垓下歌

虞美人答項王歌

志攷

伯牙水仙操

琴歌

霖雨操

商陵牧子別鶴操

祝牧偕隱歌

韓終采藥詩

文子引語

伯姬引古語

逸詩 七章

蠶叢詩 四章

驪駒

古語古諺 三十一
八章

古逸詩載卷五

楚

懷王

輕風流水

昭霧秋霜

宣城麻三衡孟璿輯

拾遺記曰洞庭二山浮水上其下金堂數百間帝女居之四時匏管之清音金石之凄喚徹于山杪楚懷王與羣臣環山遊宴各舉節氣以爲樂章

倚哭于秦庭七日七夜不絕聲
哭已歌曰云桓公大驚曰楚有
賢臣若此吳猶欲滅之寡人無臣
若斯者其亡無日矣為賦無衣之
詩出師而送之

吳為無道封豕長蛇以食上國欲有天下政
從楚起寡君出在草野使來告急

扈子

窮劫之曲

吳越春秋曰樂師扈子非荆王信
讒殺伍奢自州犁至乃掘平王墓
而寇不絕于境戮屍以辱楚若臣
又傷昭王困迫幾為天下大鄙乃

援琴為楚作窮劫之曲昭王垂涕
深知琴曲之情扈子遂不復鼓矣

王耶王耶何乖烈不顧宗廟聽讒孽任用無
忌多所殺誅夷白氏族幾滅二子東奔適吳
越吳王哀痛助切怛垂涕舉兵將西伐伍胥
自喜孫武決三戰破郢王奔發留兵縱騎虜
京闕楚荆骸骨遭發掘鞭辱腐屍耻難雪幾
危宗廟社稷滅莊王何罪國幾絕卿士悽愴
民惻悞吳軍雖去怖不歇願王更隱撫忠節
勿為讒口能謫褻無忌費無忌也二子伍
胥自喜也烈疑作劣

屈原

自沈操。

屈原為楚懷王所放，自傷忠而見疑，著離騷九歌九歎七諫之辭，臨江悲吟，援琴作此。

涉江。

采菱。

陽阿。

楚辭招魂，陳鍾披鼓，造新歌涉江采菱，發陽阿涉江采菱陽阿三者，皆歌曲名，即上句所云造新歌也。

勞商。

楚辭大招云，伏羲駕辨楚勞商。

楚人

競渡歌

屈原以五月望日，赴汨羅，土人追至洞庭，不見，湖大船小，莫得濟者，乃歌云，于是鼓棹爭歸，習為競渡之戲。

何繇得渡河。

莊辛

引語。

莊辛謂楚襄王曰君王左州侯右
夏侯輦從鄢陵君與壽陵君楚國
必亡矣去之趙五月秦果舉鄢郢
王使人徵莊辛于趙曰今事至于
此為之奈何對曰臣聞鄙語曰

也。見兔而顧犬未為晚也。亡羊而補牢未為遲也。

唐勒

大言賦

壯士憤兮絕天維。北斗戾兮太山夷。

小言賦

折飛糠以為輿。剖粃糟以為舟。泛然投乎杯
水中。淡若巨海之洪流。繩蚶背以顧盼。附蠖
蠓而遨遊。寧隱微以無准。原存亡而不憂。
館于蠅須。宴于毫端。烹蝨脰。切蟻肝。會九族
而同濟。猶委餘而不殫。

景差

大言賦

較士猛毅。臯陶嘻大笑。至兮摧果。愚鋸牙雲
豨甚大。吐舌萬里。唾一世。

小言賦

載氛埃兮乘翺塵。體輕蚊翼。形微蚤鱗。幸皇
浮踊。凌雲縱身。輕絲鍼孔。出入羅巾。飄紗翩
綿。乍見乍泯。

宋玉

大言賦

方地爲車。圓天爲蓋。長劍耿耿倚天外。

小言賦

無內之中。微物漸生。比之無象。言之無名。蒙

蒙滅景。昧昧遺形。超于太虛之域。出于未兆
之庭。纖手毳末之微。蔑陋于茸毛之方。生視
之。則眇眇。望之。則冥冥。離朱爲之歎。閔神明
不能察其情。二子之言。磊磊皆不小。何如此
之爲精。

稱詩

歲將暮。今日已寒。中心亂兮。勿多言。諷賦
內怵惕兮。徂玉牀。橫自陳兮。君之儻。君不御。
兮。妾誰怨。日將至兮。下黃泉。諷賦



遵大路兮攬子祛。贈以芳華辭甚妙。登徒子好色賦
寤春風兮發鮮榮。絜齋俟兮惠音聲。贈我如此兮不如無生。登徒子好色賦

下里

巴人

薤露

陽阿

陽春

白雪

引商

刻羽

宋玉對楚王問云：客有歌于郢中者，其始曰下里巴人，國中屬而和者數千人；其為陽阿薤露，國中屬而和者數百人；其為陽春白雪，國中屬而和者數十人；引商刻羽，雜以流徵，國中屬而和者不過數人而已。是其曲彌高，其和彌寡。

王詡

引言

鬼谷子權篇引古人有言曰：云云言者有諱忌也。

口可以食，不可以言。

引語

女愛不救，席男歡不盡輪。

嬖色不敝，席寵臣不敝軒。戰國策

鵬射子

語

中流失船，一壺千金。

荀况

成相雜辭

朱熹曰：成相，楚蘭陵令荀卿子之所作也。此篇在漢志號成相雜辭。凡三章，雜陳古今治亂興亡之效。託聲詩以風時君，相者助也，舉重勸力之歌，史所謂五殺大夫死而春者不相杵是也。

請成相，世之殃，愚闇墮賢良，人主無賢。如瞽無相，何俛俛，請布基，慎聖人，愚而自專。事不治，主忌苟勝，羣臣莫諫，必逢災。慎讀論臣過反，其施尊，王安國尚賢義，拒諫飾非，愚而上同國，必禍。反其施言當自省其所施，愚也。同上同謂既愚暗又欲使人也。曷謂罷國多私，比周還主，黨與施遠賢也。

近讒忠臣蔽塞。主勢移。如罷讀曷謂賢明君臣
 上能尊主，愛下民，主誠聽之。天下為一。海內
 賓主之孽，讒人達賢，能遁逃國，乃蹙。愚以重
 愚闇，以重闇，成為桀。世之灾，妬賢能，飛廉
 知政，任惡來，早其志，意大其圍，圍高其臺，武
 主怒師，牧野紂，卒易，卿啓乃下，武王善之，封
 之於宋，立其祖。鄉讀為向，啓微子名。世之衰，讒人歸比
 干見劓，箕子累，武王誅之，呂尚招麾，殷民懷
 世之禍，惡賢士，子胥見殺，百里徙，穆公得之。

強配五伯六卿，施世之愚，惡大儒，逆斥不通。
 孔子拘展禽，三緘春申，道綴基畢，輪綬輟請。
 牧基賢者，思堯在萬世，如見之，讒人罔極，險
 陂傾側，此之疑，基必施，辯賢罷文武之道，同
 伏戲，錄之者治，不錄者亂，何疑為。戲義凡成
 相辯法方，至治之極，復後王慎，墨季惠，百家
 之說，誠不祥。後玉當時之主，謂當自立，復為
 墨墨翟惠，惠施季季梁，季梁一作詳治復，一修之，吉
 楊朱之友也，祥善也。
 君子執之，心如結，眾人貳之，讒夫棄之，形是



治雖有賢聖。適不遇世。孰知之。堯不德舜。不
辭妻以二女。任以事。大人哉。舜南面而立。萬
物備。舜授禹。以天下。尚德推賢。不失序。外不
避仇。內不阿親。賢者予仇謂禹。勞心力。堯有
德。干戈不用。三苗服。舉舜。瞽叟任之。天下身
休息。得后稷。五穀殖。夔為樂正。鳥獸服。契為
司徒。民知孝弟。尊有德。口禹有功。抑下鴻。辟
除民害。逐共工。北決九河。通十二渚。疏三江。
鴻。洪禹溥土。平天下。躬親為民。行勞苦。得益
水也。

皇陶橫革。直成為輔。溥讀羿玄王。生昭明。居
於砥石。遷于商。十有四世。乃有天乙。是成湯。
天乙湯。論舉當身。讓卜隨。舉牟光。道古聖賢。
基必張。湯讓天下于願陳辭。世亂惡善。不此
治。隱諱疾賢良。繇姦詐。鮮無災。患難哉。既為
先。此節有聖知不用。愚者謀。前車已覆。後未
知。更何覺時。聖上亦不覺悟。不知苦。迷惑失
指。易上。上忠。不上達。蒙揜耳目。塞門戶。門戶
塞。大迷惑。悖亂昏莫。不終極。是非反易。比周

欺上惡正直。正是惡心無度。邪枉辟回失道。途已無鄰人。我獨自美。豈無故。作郵一不知戒。後必恨。後遂過不肯悔。讒失多進。反覆言語。生詐態。口人之態。不如備爭寵嫉賢。利惡忌妬。功毀賢下。歛黨與。上蔽匿。如當作知。不知。備言當備也。利惡忌。謂以惡忌。賢者為已利也。上壅蔽失輔勢。任用讒夫。不能制就公長父之難。厲王流于彘。孰當為郭皆厲王。周幽厲所以敗。不聽規諫。忠是害。嗟我何人。獨不遇時。當亂世。欲對忠言不從。

恐為子胥身。離凶進諫不聽。剉而獨鹿棄之。獨鹿。星鹿。小岩也。子胥自剉之後。盛以小江。獨鹿。星鹿。小岩也。一說獨鹿。與屬鏤同。吳夫差賜子胥。觀往事以自戒。治亂是非亦可識。之劍名。託于成相以喻意。

右二章

請成相言治方。君論有五約以明。君謹守之。下皆平正。國乃昌。君論有五。謂臣下職一也。言有節四也。臣下職莫游食。務本節用。財無極事業聽上。莫得相使。一民力守其職。足衣

食厚薄有等明爵服利往卯上莫得擅與就
 私得一民力猶民力則一也君法明論有常
 表儀既設民知方進退有律莫得貴賤孰私
 王君法儀禁不為莫不說善名不移修之者
 榮離之者辱就他師說讀為倫刑稱陳守其銀下
 不得用輕私門罪禍有律莫得輕重威不分
 銀與同請牧禛用有基主好論議必善謀五聽
 循領莫不理續王執持禛吉也牧治吉禘之
 獄之五聽也循領謂修之使得得綱聽之經明
 領主自執持不使權歸于下也

其請參佐明謹施賞刑顯者必得隱者復顯
 民反誠請當為情幽隱言有節稽其實信誕
 以分賞罰必下不欺上皆以情言明若日上
 通利隱遠至觀法不法見不視耳目既顯吏
 敬法令莫敢恣上通利不壅蔽則幽隱遐遠
 君教出行有律吏謹將之無鉞滑下不
 私請各以宜舍巧拙鉞與披同滑與汨同臣謹修君制
 變公察善思論不亂以治天下後世法之成
 律賈

右三章

倮詩

風雅廣逸曰倮詩者荀卿子之所
 作也或曰荀卿既為蘭陵令客有
 說春申君者曰湯以亳武王以鎬
 皆有天下今荀子賢而君借以百
 里之勢臣為君危六春申君乃謝
 荀子荀子去之趙人又說春申君
 曰昔伊尹去夏入殷殷王而夏亡
 管仲去魯入齊魯弱而齊彊賢者
 所在其君未嘗不尊榮也今荀子
 天下賢士君何謝之春申君又使
 人請荀子荀子不還而
 遺之賦蓋卽此倮詩也
 激切之詩也

天地易

位四時易鄉列星隕墜且暮晦盲幽暗登炤
 日月下藏公正無私反見縱橫反見謂為縱橫反覆之人
 志愛公利重樓疏堂愛猶貪也竊取公家之利而反得華屋以居也
 無私罪人慙革二兵慙戒也革甲也二一副也言無私心而治有罪之人
人為兵革以備之也道德純備讒口將銷將讀作
 仁人誦約教同傲暴擅強天下幽險恐失世英
 螭龍為蟻螟鴟梟為鳳皇比干見剗孔子拘
 匡昭昭乎其知之明也郁郁乎其遇時之不
 祥也拂乎其欲禮義之大行也闇乎天下之

瞻○音○也○皓○天○不○復○憂○無○疆○也○千○秋○必○反○古○之
常○也○弟○子○勉○學○天○不○忘○也○聖○人○共○手○時○幾○將
矣○共讀為拱拱手言不得用也將謂時運將開也與○愚○亦○疑○願○聞○反
辭○其○小○歌○也○念○彼○遠○方○何○其○塞○矣○仁○人○絀○約
暴○人○衍○矣○忠○臣○危○殆○讒○人○般○矣○璇○玉○璫○林○不
知○佩○也○雜○布○與○錦○不○知○異○也○閭○姬○子○奢○莫○之
媒○也○媼○母○刀○父○是○之○喜○也○以○盲○為○明○以○聵○為
聰○以○危○為○安○以○吉○為○凶○嗚○呼○上○天○曷○為○其○同

引鄙諺

荀子為蘭陵令春申君使人謝荀
子荀子去之趙春申君使人請荀
子于趙荀子為書謝曰鄙語云云
此不恭之語也雖然不可不審察
也此為劫弑死亡之主言也註云
癘雖惡猶愈于劫弑故反憐王

癘人憐王

賦

戰國策荀子去之趙春申君又使
人請孫子於趙荀子為書謝春申
君書後
賦曰
寶○珍○隨○珠○不○知○佩○兮○禕○衣○與○絲○不○知○異○兮
閭○姝○子○奢○莫○之○媒○兮○媼○母○求○之○又○甚○喜○之○兮
以

一 逸言重 卷三 三
瞽為明以聾為聰以是為非以吉為凶嗚呼
上天曷謂其同風雅逸篇曰按戰國策及韓
此賦即荀子書
中詭詩之少歌
子荀卿為書謝春申君後有

引逸詩

如霜雪之將將如日月之光明為之則存不
為之則亡
國有大命不可以告人妨其躬身
鳳凰秋秋其翼若干其聲若簫有鳳有凰樂
帝之心秋秋猶踰謂舞也

長夜漫兮永思騫兮太古之不慢兮禮義之
不愆兮何恤人之言兮

涓涓源水不壅不塞轂既破碎乃大其輻事
以敗矣乃重太息

墨以為朗狐狸而蒼墨謂蔽塞也狐狸而蒼
君以蔽為明則臣下誑君言其
色蒼然無別猶指鹿為馬者也

引言

衣與繆與不女聊言雖衣服我與綢繆我而
不敬不順則不聊也
欲富乎忍恥矣傾絕矣故舊矣與義分背矣

傾絕謂傾身
絕命而求也
好女之色惡者之孽也公正之士衆人之瘞也

引語

流○左○止○於○歐○史○流○言○止○於○智○者○
烏○窮○則○啄○獸○窮○則○攫○人○窮○則○詐○
盜○名○不○如○盜○貨○

楚人

麥城謠

荆州當陽縣東南有麥城城之東
爲驢城沮水西爲磨城子胥造此
以攻麥城者也故謠云

東驢西磨麥城自破

三戶謠

史記曰楚懷王爲張儀所欺客死
于秦到王負芻遂爲秦所滅百姓
哀之爲

楚雖三戶亡秦必楚

引謠

楚策或謂黃齊曰人皆以謂公不
善於富孽謠曰云云今王善富孽

見君之乘下之見杖起之。

而公不善也。是不臣也。

楚越人

擁楫歌

劉向說苑曰。鄂君子皙。沿舟于澨。波之出。乘青翰之舟。張翠蓋。會鐘鼓之音。舉榜柁。越人擁楫而歌。云。於於是鄂。君乃檢修袂。行而擁之。舉繡被而覆之。鄂君。楚王母弟也。

今夕何夕。今塞洲中流。今日何日。今得與王子同舟。蒙羞被好。今不訾詬。恥心幾煩。而不

絕。今得知王子山。有木兮木有枝。心說君兮君不知。

湘中漁歌

帆隨湘轉。望衡九回。

巫山女

辭

宋玉高唐賦云。昔者楚襄王與宋玉遊于雲夢之臺。望高堂之觀。其上獨有雲氣。王曰。此何氣也。玉對曰。此所謂朝雲也。昔先王遊高唐。晝寢。夢一婦人。曰。妾巫山之女也。為高堂之客。聞君游高堂。願薦枕。

席王因幸之去
而辭曰云云

妾在巫山之陽高丘之岵旦為行雲暮為行
雨朝朝暮暮陽臺之下

古逸詩載卷六

宣城麻三衡孟璿輯

秦

穆公

筮伐晉辭

在傳秦伯伐晉卜徒父筮之吉涉
河侯車敗詰之對曰乃大吉也三
敗必獲晉君其卦遇蠱夫狐蠱必
其君也蠱之貞風也其悔山也歲
云秋矣我落其實而取其材所以
克也實落材亡不敗何待戰于韓
原秦獲晉
侯以歸

千乘三去。三去之餘。獲其雄狐。

鳩飛。

河水。

秦穆公召晉公子重耳於楚。公子如秦。穆公饗公子。賦鳩飛。公子賦

水河

始皇帝

祠洛水歌

古今樂錄曰。秦始皇祠洛水。有黑頭公從河中出。呼始皇曰。來受天之寶。乃與羣臣作歌云。一作秦始皇歌。

洛陽之水。其色蒼蒼。祠祭大澤。倏忽南臨。洛濱醮禱。色連三光。

鄒嶧山刻石銘

史記始皇二十八年東行郡縣上鄒嶧山與魯諸儒生議刻石頌秦德乃遂上泰山立石封祠祀刻所立石其辭曰云云

皇帝立國。維初在昔。嗣世稱王。討伐亂逆。威動四極。武義直方。戎臣奉詔。經時不久。滅六暴強。二十有六年。上薦高號。孝道顯明。既獻泰成。乃降專惠。親巡遠方。登於嶧山。羣臣從

者咸思攸長。追念亂世。分土建邦。以開事理。攻戰日作。流血于桎。自太古始。世無萬數。阨及五帝。莫能禁止。迺今皇帝一家。天下兵不復起。災害滅除。黔首康定。利澤長久。羣臣論畧。刻此樂石。以著經紀。

泰山刻石銘

史記始皇二十八年東行與諸儒生議封禪望祭山川之事遂上泰山立石封祠祀禪梁父刻所立石其辭曰云

皇帝臨位。作制明法。臣下修飭。二十有六年。

初并天下。罔不賓服。親巡遠方。黎民登茲。泰山周覽。東極從臣。思迹本源。事業祇誦功德。治道運行。諸產得宜。皆有法式。大義休明。垂于後世。順承勿革。皇帝躬聖。既平天下。不懈于治。夙興夜寐。建設長利。專隆教誨。訓經宣達。遠近畢理。咸承聖志。貴賤分明。男女禮順。慎遵職事。昭隔內外。隔一作融靡不清淨。施于後嗣。化及無窮。遵奉遺詔。永承重戒。

琅邪臺刻石銘

史記曰始皇二十八年既封泰山于是乃並勃海以東過黃驪窮成山登之衆立石頌秦德焉而去南登琅邪大樂之留三月乃徙黔首三萬戶琅邪臺下復十一歲作琅邪臺立石刻頌秦德明得意

維二十六年皇帝作始端平法度萬物之紀以明人事合同父子聖智仁義顯白道理東撫東土以省卒士事已大畢乃臨于海皇帝之功勤勞本事上農除末黔首是富普天之下搏心揖志器械一量同書文字日月所照舟輿所載皆終其命莫不得意應時動事是

維皇帝匡飭異俗陵水經地憂恤黔首朝夕不懈除疑定法咸知所辟方伯分職諸治經易舉措必當莫不如畫皇帝之明臨察四方尊卑貴賤不踰次行姦邪不容皆務貞良細大盡力莫敢怠荒遠邇辟隱專務肅莊端直敦忠事業有常皇帝之德存定四極誅亂除害興利致福節事以時諸產繁殖黔首安寧不用兵革六親相保終無寇賊驩欣奉教盡知法式六合之內皇帝之士西涉流沙南盡

北。東。有。東。海。北。過。大。夏。人。迹。所。至。無。不。臣。者。功。蓋。五。帝。澤。及。牛。馬。莫。不。受。德。各。安。其。宇。維。秦。王。兼。有。天。下。立。名。為。皇。帝。乃。撫。東。土。至。於。琅。邪。列。侯。武。成。侯。王。離。列。侯。通。武。侯。王。賁。倫。侯。建。成。侯。趙。亥。倫。侯。昌。武。侯。成。倫。侯。武。信。侯。馮。毋。擇。丞。相。隗。林。丞。相。王。綰。卿。李。斯。卿。王。戊。五。大。夫。趙。嬰。五。大。夫。楊。樛。從。與。議。于。海。上。日。古。之。帝。王。地。不。過。千。里。諸。侯。各。守。其。封。域。或。朝。或。否。相。侵。暴。亂。殘。伐。不。止。猶。刻。金。石。以。

自。為。紀。古。之。五。帝。三。王。知。教。不。同。法。度。不。明。假。威。鬼。神。以。欺。遠。方。實。不。稱。名。故。不。久。長。其。身。未。歿。諸。侯。倍。叛。法。令。不。行。今。皇。帝。并。一。海。內。以。為。郡。縣。天。下。和。平。昭。明。宗。廟。休。道。行。德。尊。號。大。成。羣。臣。相。與。誦。皇。帝。功。德。刻。于。金。石。以。為。表。經。

之。罘。山。刻。石。銘

史記始皇二十九年東遊登之罘刻石又刻其東觀其辭曰云云

維二十九年時在中春陽和方起皇帝東遊

巡登之罘。臨炤于海。從臣嘉觀。原念休烈。追
誦本始。大聖作治。建定法度。顯著綱紀。外教
諸侯。光施文惠。明以義理。六國回辟。貪戾無
厭。虐殺不已。皇帝哀衆。遂發討師。奮揚武德。
義誅信行。威燁旁達。莫不賓服。烹滅疆暴。振
救黔首。周定四極。普施明法。經緯天下。永爲
儀則。大矣哉。宇縣之中。承順聖意。羣臣誦功。
請刻于石。表垂于常式。

東觀銘

維二十九年。皇帝春遊。覽省遠方。逮于海隅。
遂登之罘。昭臨朝陽。觀望廣麗。從臣咸念。原
道至明。聖法初興。清理疆內。外誅暴強。武威
旁暢。振動四極。禽滅六王。闡并天下。菑害絕
息。永偃戎兵。皇帝明德。經理宇內。視聽不怠。
作立大義。昭設備器。咸有章旗。職臣遵守。各
知所行。事無嫌疑。黔首改化。遠邇同度。臨古
絕尤。常職既定。後嗣循業。長承聖治。羣臣嘉
德。祇誦聖德。請刻之罘。

碣石刻石銘

史記三十二年始皇之碣石使燕人盧生求羨刑高誓刻石門壞城郭決通隄防其辭曰云云

遂興師旅。誅戮無道。為逆滅息。武殄暴逆。文復無罪。庶心咸服。惠論功勞。賞及牛馬。恩肥土域。皇帝奮威。德并諸侯。初一泰平。隳壞城郭。決通川防。夷去險阻。地執既定。黎庶無繇。天下咸撫。男樂其疇。女修其業。事各有序。惠彼諸產。久並來由。莫不安所。羣臣誦烈。請刻

此石。毋著儀矩。

會稽山刻石銘

史記始皇三十七年出遊左丞相斯從上會稽祭大禹。聖于南海而立石刻頌秦德其辭曰云云

皇帝休烈。平一宇內。德惠攸長。三十有七年。親軺天下。周覽遠方。遂登會稽。宣省習俗。黔首齊莊。羣臣誦功。本原事迹。追道高明。秦聖臨國。始定刑名。顯陳舊章。初平法式。審別職任。以立恒常。六王專倍。貪戾傲猛。率眾自強。

暴虐恣行。負力而驕。數動甲兵。陰通間使。以事合從。行爲辟方。內飭詐謀。外來侵邊。遂使禍殃。義威誅之。殄息暴悖。亂賊滅亡。聖德廣密。六合之中。被澤無疆。皇帝并宇。兼聽萬事。遠近畢清。運理羣物。考驗事實。各載其名。貴賤並通。善否陳前。靡有隱情。節省宣義。有子而嫁。倍死不貞。防隔內外。禁止淫泆。男女潔誠。夫爲寄殺。殺之無辜。男秉義程。妻爲逃嫁。子不得母。咸化廉清。大治濯俗。天下承風。蒙

被休經。皆遵軌度。和安敦勉。莫不順令。黔首修潔。人樂同則。嘉保太平。後敬奉法。常治無極。輿舟不傾。從臣誦烈。請刻此石。光垂休銘。

金人銘

皇帝二十六年。初兼天下。以爲郡縣。正法律。同度量。大人來見。臨洮身長五丈。足六尺。董

道廣川書跋云。李次升謂得之。邛中。金人。勝。下。余考此。秦金人。銘。昔秦長狄。十二見于臨洮。長五丈餘。以爲神。鑄金人象之。其重二十萬斤。坐阿房宮前。當漢徙未央宮。王莽嘗鑄其。唐文後遺。卓以其九鑄錢。石虎以其二置鄴宮。符堅取之。後置。長安以其二爲錢。其

一適至陝而堅亂民勞苦患之乃排陷河中戴延之曰翁仲所投故河流湧起金狄亡矣

句曲良常山銘壁文

茅君內傳曰秦始皇三十七年遊會稽還于句曲良常山北埋白壁一雙深七尺李

斯刻篆壁文

始皇聖德平章山河巡狩蒼川勒名素壁

滴池君

語

秦始皇三十六年秋使者鄭客入函谷至平舒道見素車白馬曰吾華山君願以一牘致滴池君子之咸陽過滴池見一大梓樹有文在

今年祖龍死

張儀

引語

取以扣樹當有應者以書與之客如其言見宮闕如王者若謁者出受書入語客云云或曰華山神操壁遮使者語之使者奉壁以聞始皇曰山鬼不過知一歲事耳使御府視壁乃二十八年所沈壁也明年始皇崩

削林掘根無語禍鄰禍乃不存

戰國策張儀說秦王曰夫戰者萬乘之存亡也且臣聞之曰云云

蘇秦

引語

秦攻趙，蘇秦謂秦王曰：今雖得邯鄲，非國之長利也。語曰：

戰勝而國危者，物不斷也。功大而權輕者，利不入也。

李冰

誓江神碑辭

水經注曰：江水東別為波，又歷都安縣，有桃關李冰秦昭王時為蜀守，作大堰于此。堰于江作壩，壩在左右，曰謂之湔壩。益州記：冰作壩。

石入于白沙，郵郵在堰官上立木中，刻要江神，是以蜀人旱藉為溉，雨不遏流，倍謂都安之堰，亦曰湔壩。又謂金隄為碑，言治水法也。

水竭不至，足盛不沒腰。

湔壩堰官碑辭

深淘潭，淺包陂。通云：冰開成都縣兩江，化為

蒼牛，與江神鬪，江神遂死。

蔡澤

引語

史記：蔡澤入秦，說應侯。范雎曰：云云。

日中則移月滿則虧物盛則衰

呂不韋

引逸詩

將欲毀之必重累之將欲踏之必高舉之呂氏

春秋

吁嗟復兮

引齊鄙人諺

居者無載行者無埋呂覽載讀作穉言生不隱謀死不隱忠也

又諺

曹屋知名家喬木知舊都呂覽

引諺

救溺者濡救奔者趨

墻有毀于隙木有毀于節

公孫鞅

引諺

蠹衆而木折隙大而墻壞

趙良

引語

史記商君相秦十年宗室貴戚多怨望趙良見商君而說之商君曰子觀我治秦也孰與五殺大夫賢趙良曰云云○按此言為趙良立談之詞即史記不云諺語也

○千○牟○之○皮○不○如○一○狐○之○腋○千○人○之○諾○諾○不○如○一○士○之○謬○謬○

客卿造

引逸詩

戰國策曰秦客卿造謂穰侯曰秦封君以陶藉君天下數年矣攻齊之事成陶為萬乘攻齊不成陶為隣恤君欲成之何不使人謂燕相

樹德莫若滋除害莫若盡

屠門高

琴引

國曰用天下之力伐讐國之齊此燕之長利而君之大名也詩曰云秦誓只作樹德務滋除惡務本
琴苑要錄曰琴引者秦時倡屠門高之所作也秦為無道奢淫不制徵天下美女以充後宮乃縱酒離宮作戲倡優宮女侍者千餘人屠門高見宮女幼妙寵麗于是援琴而歌之作為離口之操曲未及終琴折柱推絃音不鳴舍琴而更援他琴以續之

酒坐俱無往聽吾果之所言舒長衷似舞兮
乃褕袂何曼奏章而却逢兮願瞻心之所驩
借連娟之寒態兮假卮酒酌五般泣喻而妖
兮納其聲聲麗顏歌長楡兮歎曰騎美人嬌
旒紛媵柀霜羅衣兮羽旄夜襲圭玉珠叅差
妙麗兮被雲鬢登高臺兮望青埃常羊啖還
何猷兮歸來字多訛異無考

優旃

戲武士語

堯山堂外紀曰秦倡侏儒也嘗侍
始皇立殿上秦法重非有詔不得
輒移足時天寒雨甚武士被楮立
庭中旃欲沐之戲曰云云始皇聞
之乃令徙
立廡下

被楮郎汝雖長雨中立我雖短殿上幸無濕

漆城歌

古詩所注曰秦二世欲漆城優旃
歌曰云云漆易為取顧難為蔭室
二世笑而止

漆城光蕩蕩冠來不得上

國人

古逸詩載

卷六

三

謠

虞喜志林曰秦穆公夢之天帝旂奏鈞天樂賜以金策祚世之業當時有謠

天帝醉秦暴金誤隕石墜

見張衡西京賦注

諺

史記樛里子傳樛里秦惠王異母弟樛里子滑稽多智秦人號曰智囊其時
力則任鄙智則樛里

長城歌

見水經注楊泉物理論曰秦築長城死者相屬民歌曰

生男慎勿舉生女哺用脯不見長城下尸骸相支柱

甘泉歌

三秦記曰始皇作驪山陵周迴跨陰盤縣界水背陵障使東西流運大石于渭北渚民怨之

作甘泉之歌曰云云
運石甘泉口渭水不敢流千人唱萬人謳金陵餘石大如堰博物志

運石甘泉口渭水為不流千人一唱萬人謳

鈎金陵下餘石大如篋土屋

關中記

河圖引蜀謠

汶阜之山江出其腹帝以會昌神以建福

泗上謠

水經注周顯王四十二年九鼎淪沒泗淵秦始皇時見于泗水始皇大喜使數千人入水系而行未出龍齒斷其系故泗上為之謠云

稱樂太平絕鼎系

長水謠

詩所曰秦時有老嫗聞謠甚懼日往窺城門門侍欲縛之嫗言其故

城門當有血城陷滅為湖
後門侍殺大以血塗門嫗見血疾走忽大水長主簿遣幹入白令見幹曰何忽作魚幹曰明府亦作魚縣遂淪為谷矣

阿房謠

始皇三十五年作宮阿房前是二十六年童謠曰

阿房阿房亡始皇

巴謠歌

茅君內傳曰秦始皇三十一年九月庚子茅盈高祖濛于華山之中乘雲駕鶴白日昇天先是時有巴謠歌曰云云始皇聞謠歌而問其

故父老具壽曰此仙人之謠歌勸帝求長生之術于是始皇欣然有仙志因改臘曰嘉平

神仙得者茅初成駕龍上昇入太清時下玄洲戲赤城繼世而往在我盈帝若學之臘嘉平

水市謠

古詩所注曰長水土人謠云云始皇聞之乃從此過與人乘舟交易以應之

水市出天子

沙丘謠

異苑曰秦世有謠云云始皇既坑儒焚典乃發孔子墓欲取諸經傳廣既啓于是悉如謠者之言又言謠文刊在塚壁政甚惡之及達沙丘而修別路見一羣小兒輩沙爲阜間云沙丘從此得病

秦始皇奄偃開吾戶據吾牀飲吾酒嚼吾漿食吾飲以爲糧張吾弓射東牆前至沙丘當滅亡

三秦記民謠

武功太白去天三百孤雲兩角去天一握山

水險阻。黃金子午。蛇盤烏櫛。勢與天通。
稽溪赤水。盤蛇七曲。盤半烏櫛。勢與天通。
經水

注一作
楚道謹

百里奚妻

琴歌

風俗通曰。百里奚為秦相。堂上樂
作所贊。澣婦自言知音。因援琴撫
弦而歌。問之。乃其故妻。還為夫婦
也。亦謂之秦婦歌。
百里奚。五羊皮。憶別時。烹伏雌。炊粳麥。今日
富貴忘我為。

右一

百里奚。初娶我時。五羊皮。臨富別時。烹乳鷄。
今適富貴。忘我為。

右二

百里奚。百里奚。母已死。葬南谿。墳以瓦。覆以
柴。春黃藜。搯伏雞。西入秦。五穀皮。今日富貴
捐我為。

右三

秦琴女

負劍歌

古樂苑注引燕丹子曰荆軻刺秦王右手執匕首左手搃其袖秦王日今日之事從子計矣乞聽琴聲而歿琴女鼓琴琴聲云云王于是奮袖超屏風走之軻不解琴故及于難

羅毅單衣可裂而絕三尺屏風可超而越
盧之劍可負而拔
三尺羅衣何不掣四面屏風何不越 三秦記

蜀主

幽鬼之曲

秦惠公以美女遺蜀主不習水土而死葬之石鏡王追思之作幽魂

歸耶之曲

蜀主妃思其父母歸寧蜀主為製歸耶之曲

東平曲

史耶歌

龍歸曲

武都丈人化為女子美而艷蓋山精也蜀主納為妃不習水土欲去王留之作東平歌以樂之未幾物故王悲之乃作史耶歌龍歸曲

言言章 卷六

女夷

鼓歌

女夷，天帝之女也。為鼓歌，以司天和，以長百穀，禽獸草木。

巴人

耀歌

韓詩內傳。巴人耀歌。說文耀歌，巴渝曲也。

白露

朝日

魚麗

白水

白雲

巴陵

陽陵

江南

淮南

延露陵陽

淮南子曰：歌采菱，發陽阿，鄙人聽之，不若延露陵陽，非歌者拙也，聽者異也。

言言詩成

卷六

七

嘯喻

司馬相如凡將篇云淮南上蔡舞嘯喻

于遮

顛歌

司馬相如上林賦云淮南子遮文成顛歌

耶許歌

舉衆用力之曲也

噓喚歌

劉晝曰伏臘合歡必歌采菱牽石花舟必歌噓喚

流風

一作結風○以上並古歌曲題名

燕

昭王

縈塵

集羽

旋懷

古詩所曰燕昭王時廣延國獻善舞者二人一名旋舞一名提縈塵王處于崇霞之臺其舞曲曰縈塵言其體輕與飛塵相亂也次日集羽

言其婉轉若羽毛之從風也末呂旋懷言其麻體纏蔓若入懷袖也

燕王喜

引語

史記惠王後以樂毅子樂開為昌國君居燕三十年燕王喜用其和栗腹計欲攻趙而問于樂開曰趙四戰之國其民習兵伐之不可燕王不聽遂伐趙趙使廉頗擊之破燕軍禽栗腹開入趙趙遂圍燕燕重割地與趙和乃遺書引語曰云云諺曰云云聞怨不用其計卒留趙不報

仁不輕絕智不輕怨

又諺

厚者不毀人以自益仁者不危人以要名

荆軻

渡易水

史記曰燕太子丹質于秦怨而亡歸使荆軻刺秦王太子及賓客皆白衣冠以送之至于易水之上既祖取道高漸離擊筑軻和而歌為變徵之聲又前而為此歌復為羽聲慷慨士皆瞋目髮盡上指冠于

風蕭蕭兮易水寒壯士一去兮不復還

鄒

穆公

引周諺

囊漏貯中

穆公有令食鳧鴈必以秕無得以粟于是倉無糶而求易于民二石粟而得一石糶吏以為費請以粟食之穆公曰是非汝所知也夫百姓飽牛而耕暴骨而耘豈為鳥獸哉粟米人之上食柰何以養鳥周諺曰云云而獨不聞與取舍之粟移之于民在民猶在舍也鄒民間之皆知私情與公家一體也此之謂富國

文心雕龍作儲中

虞

虞侯

引周諺

匹夫無罪懷璧其罪

富之奇

引諺

初虞侯有玉虞公求旃弗獻既而悔之日周諺有之云云吾馬用此乃遂獻之

晉假道于虞以伐虢宮之奇諫曰虢虞之表也虢亡虞必從之諺所

謂云云者其虞號之謂也

輔車相依唇亡齒寒

越

越王句踐

壽吳王辭

吳越春秋曰吳王既釋越王之囚大縱酒于文臺為越王設北面之坐羣臣皆以客禮事之于是范蠡與越王俱起為吳王壽其詞曰

皇在上令昭下四時并心察慈仁者大王躬親鴻恩立義行仁九德四塞威服羣臣於乎

休哉傳德無極上感太陽降瑞翼翼大王延壽萬歲長保吳國四海咸承諸侯賓服觴酒既升永受萬福

引諺

越將伐吳數問于范蠡范蠡曰未可也王姑待之王曰諺有之云云今歲晚矣子將柰何

觥飯不及壺飧盛饌未具不如壺飧之救饑疾也章暢

越王句踐既克吳令樂師作伐吳之曲命名曰章暢

古逸詩載

卷六

三

諸稽郢

引諺

吳代越越使諸稽郢行成于吳曰夫諺曰云云使木王既封殖越國又刈亡之雖四方之諸侯則何實以事吳吳許之

越羣臣

祝越王辭

吳越春秋曰越王勾踐五年與大夫種范蠡入臣于吳羣臣皆送至浙江之上臨邊祖道軍陣固

皇天祐助前沉後揚禍為德根憂為福堂威入者滅服從者昌王離牽致其後無殃君臣生離感動上皇眾夫悲哀莫不感傷臣請薄脯酒行二觴

右一

大王德壽無疆無極乾坤受靈神祇輔翼我皇厚之祉祐在側德銷百殃利受其福去彼吳庭來歸越國

右二

陳音

彈歌

吳越春秋曰越王欲謀復吳范蠡
 進善射者陳音音楚人也越王請
 音而問曰孤聞子善射道何所生
 音曰臣聞弩生于不忍見生干彈
 起于古之孝子不忍見生干彈
 獸所食故作彈以守之乃歌云
 斷竹續竹飛土逐宍古肉字

文種

祝越王辭

吳越春秋曰越王既滅吳霸諸侯
 置酒文臺羣臣為樂大夫種進祝

酒辭曰

皇天祐助我王受福良臣集謀我王之德宗
 廟輔政鬼神承翼君不忘臣臣盡其力上天
 蒼蒼不可掩塞觴酒二升萬壽無極

右一

我王仁賢懷道抱德滅讐破吳不忘返國賞
 無所恡羣邪杜塞君臣同和福祐千億觴酒
 二升萬歲無極

右二

趙國人

離別相去辭

吳越春秋曰趙王伐吳國人各送其子弟于郊境之上作離別相去

蹀蹀摧長慙兮擢戟馭爰所離不降兮以泄
我王氣蘇三軍一飛降兮所向皆殪一士判
死兮而當百夫道祜有德兮吳卒自屠雪我
王宿耻兮威振八都軍伍難更兮勢如貔貙
行各努力兮於乎於乎

趙軍人

河梁歌

吳越春秋曰越句踐既滅吳霸諸侯號令于齊楚秦晉皆輔周室秦厲公不如命句踐乃選吳越將士西渡河以攻秦秦人懼自引咎趙乃還軍軍人悅樂

作河梁之詩曰

渡河梁兮渡河梁舉兵所伐攻秦王孟冬十
月多雪霜降寒道路誠難當陳兵未濟秦師
降諸侯怖懼皆恐惶聲傳海內威遠邦稱伯
穆桓齊趙莊天下安寧壽考長悲去歸兮河

無梁

越人

祝友辭

君乘車我帶笠他日相逢下車揖君擔笠我跨馬他日相逢為君下

卿雖乘車我帶笠後日相逢下車揖我步行卿乘馬後日相逢君當下

赴湯蹈火歌

古詩所曰越王句踐習戰試民于寢宮民爭赴水火死者千餘人遠擊金而退之于是作赴湯蹈火之歌或云楚王好勇放火烧其泉宮令士卒救之如戰陳有功者賞士卒以泥塗身爭赴死者三千人焉

越王夫人

烏鳶歌

吳越春秋曰越王將入吳與諸大夫別于浙江之上羣臣垂泣越王夫人顧烏鵲啄江渚之蝦飛去復來因歌曰

仰飛鳥兮烏鳶凌玄虛兮號翻集洲渚兮優恣啄蝦鱗兮雲間任厥性兮往還妾無罪

古逸詩章 卷六 三
兮○負○地○有○何○辜○兮○譴○天○颿○獨○兮○西○往○孰○知○返○
兮○何○辜○心○惓○惓○兮○若○割○淩○泫○泫○兮○雙○懸○
還音旋

右一

彼○飛○鳥○兮○鳶○鳥○已○迴○翔○兮○翕○蘇○心○在○專○兮○素
蝦○何○居○食○兮○江○湖○徊○復○翔○兮○游○颿○去○復○返○兮
於○乎○始○事○君○兮○去○家○終○我○命○兮○君○都○終○來○遇
兮○何○辜○離○我○國○兮○去○吳○妻○衣○褐○兮○為○婢○夫○去
冕○兮○為○奴○歲○遙○遙○兮○難○極○冤○悲○痛○兮○心○惻○腸
千○結○兮○服○膺○於○乎○哀○兮○忘○食○願○我○身○兮○如○鳥

身○翔○翔○兮○矯○翼○去○我○國○兮○心○遙○情○憤○惋○兮○誰
識

右二

采葛婦

若何歌

吳越春秋曰越王自吳還國勞身
苦心懸膽于戶出入嘗之知吳王
好服之被體使國中男女入山采
葛作黃絲之布以獻之吳王乃增
越之卦賜羽毛之飾杙杖諸侯之
服越國大悅采葛之婦傷越王用
心之苦乃作
若之何詩曰

葛不連蔓。菜台台。我君心苦。命更之。嘗膽不。苦。其如飴。令我采葛。以作絲。女工織兮不敢。遲弱於羅。兮輕罪。罪號。絺素兮將獻之。越王。悅兮忘罪。除吳王歡兮。飛尺書。增封益地。賜羽奇。机杖茵蓐。諸侯儀羣臣。拜舞天顏舒。我王何憂。能不移。

連一作廷。其一作味。如一作若。令一作今。

徐

徐人

季子歌

延陵季子兮。不忘故。脫千金之劍。分帶丘墓。

劉向新序曰。延陵季子將聘。昔帶寶劍。以過徐。徐君觀劍。不言而色欲之。季子未獻也。然則心已許之。使反而徐君已死。季子於是劍掛徐君墓樹而去。徐人為之歌。曰云云。

古樂苑作延陵季子不忘舊故千金之劍以帶丘墓。

西楚

霸王

垓下歌

史記曰。項王軍壁垓下。軍少。食盡。漢軍及諸侯兵圍之。數重。夜聞漢

軍四面皆楚歌。項王乃大驚曰。漢皆已得楚乎。是向楚人之多也。項主則夜起飲帳中。有美人。名虞。常幸從。駿馬名騶常騎之。乃悲歌。愴愴自為詩。歌數闕。美人和之。項王泣數行下。于是乃上馬。直夜潰圍南出。馳走平明。漢軍乃覺之。

力拔山兮氣盖世。時不利兮離不逝。離不逝兮可奈何。虞兮虞兮奈若何。

虞美人

答項王歌

楚漢春秋項羽歌虞美人和之

漢兵已畧地。四面楚歌聲。大王意氣盡。賤妾何聊生。

孔子刪諸國風。而獨廢楚者。斥其僭王也。予之載楚逸詩也。何為也哉。且復殿之以西楚。蓋春秋時。楚雖猾夏。爵仍子號。其蟬緩侏歟之音。或不足被金石。洎乎屈原奮起于江濱。而忠感之思。藹然大史公取其好色。不淫。怨誹不亂。王元美恒謂孔子而逢屈

氏必采而引諸楚風不在齊秦之下
 二子者蓋有以觀其深也緬維秦始
 皇混一以來列國湮滅項羽以一布
 衣非有尺寸崛然而洒三戶亡秦之
 恥豈不猶然忠孝之事哉始楚懷王
 封項羽為魯公及其死魯最後下於
 噶魯周公之號也而羽襲封之其意
 念深矣覽者循其世攷其心則知其
 系西楚也無惑焉
 麻三衡謹識

附志攷

伯牙

水仙操

琴花要錄曰水仙操伯牙之所作
 也伯牙學琴于成連三年而成至
 於精神寂寞情之專一未能得也
 成連曰吾之學不能移人之情吾
 師有方子春在東海中乃責糧從
 之至蓬萊山留伯牙曰吾將逝吾
 師刺船而去旬時不返伯牙心悲
 延頸四望但聞海水汨沒山林
 冥羣鳥悲號仰天歎曰先生
 將移我情乃援琴而作此歌

繫洞涓兮流澌濩舟楫迎兮仙不還移形素

今蓬萊山歎欽傷宮仙石還

琴歌

麥秀蘄兮雉朝飛向虛壑兮背喬槐依絕區
兮臨曲池

霖雨操

伯牙遊天山之陰卒逢暴雨止巖下援琴作霖雨操更造崩山之音

商陵牧子

別鶴操

崔豹古今注曰別鶴操商陵牧子所作也娶妻五年而無子父兄將

為之改娶妻聞之中夜起倚戶而悲肅牧子聞之愴然而悲乃援琴而歌後人因為樂章焉

將垂比翼兮隔天端山川悠遠兮路漫漫攬
衣不寐兮食忘餐古今注無三兮字攬衣一作攬衾食一作辰

祝牧

偕隱歌

琴清英云祝牧與妻偕隱
作琴歌云云不詳何代
天下有道我黼子佩天下無道我負子戴

韓終

采藥

拾遺記曰閻河之北有紫桂成林其實如棗羣仙餌焉韓終采藥四言詩

閻河之桂實大如棗得而食之後天而老

文子

引語

冬水可折夏條可結木強即折革張即裂

伯姬

引古語

趙王好大者民間闕半額楚王好廣領國人衣沒頸齊王好細腰後宮有饑死

逸詩

相彼盍旦尚猶患之禮記坊記○注云盍旦夜鳴求旦之鳥患猶惡也言盍旦欲反夜作畫人尚惡之况人臣而求犯其上乎一作鴉旦一作鴉鳴一作渴旦

東有啓明於時鷄三號以興庶虞庶虞動蜚

征作嗇民執功百草咸淳大戴禮四代篇○困學紀聞注曰啟

明作開明避景帝諱也庶虞蓋山虞澤虞之屬

古逸詩書 卷六 三

魚在在。在。在。藻。厥。志。在。餌。大戴禮

四。牡。翼。翼。以。征。不。服。漢書

相。彼。玄。鳥。止。於。陵。阪。仁。道。在。邇。求。之。無。遠。論

絲。絲。之。葛。在。於。曠。埜。良。工。得。之。以。為。絺。紵。良。

工。不。得。枯。死。于。埜。說苑

九。變。復。貫。知。言。之。選。陳第毛詩古音考

蠶叢詩

華陽國志巴志篇其民質直好義風土敦厚有先民之風故其詩曰

川。崖。惟。平。其。稼。多。黍。旨。酒。嘉。穀。可。以。養。父。野。

惟。阜。丘。彼。稷。多。有。嘉。穀。旨。酒。可。以。養。母。

其祭祀之詩曰

惟。月。孟。春。獮。祭。彼。崖。永。言。孝。思。享。祀。孔。嘉。彼。

黍。既。潔。彼。儀。既。澤。蒸。命。良。辰。祖。考。來。格。

其好古樂道之詩曰

日。月。明。明。亦。惟。其。名。不。朽。難。獲。誰。能。長。生。

又曰

惟。德。實。寶。富。貴。何。常。我。思。古。人。令。聞。令。望。

鼓缶

古逸詩書 卷六 三

君子有酒，小人鼓缶。雖不見好，亦不見醜。

驪駒

漢書儒林傳王式曰客歌驪駒主
人歌客無庸歸驪駒客欲去歌也

驪駒在門，僕夫具存。驪駒在路，僕夫整駕。

古語古諺

不厚其棟，不能任重。

黃金累千，不如一賢。俱國語

御馬不釋策，操弓不反檠。家語

行百里者，半于九十。

大武遠宅，不涉。

木實繁者，披其枝。披其枝者，傷其心。大其都

者，危其國。尊其臣者，卑其主。俱國策

一夫兩心，拔刺不深。

躓馬破車，惡婦破家。俱易緯

吐珠於澤，誰能不合。

月離于畢，雨滂沱。月麗于箕，風揚沙。俱春秋

四足之美，有麋兩足之美，有鵠。詩正義

豐年之冬，必有積雪。毛詩傳

昨日何生今日何成必念歸後必念治生日
慎一日完如金城

淵廣者其魚大主明者其臣惠俱韓詩傳

以管窺天以隙視文

尺有所短寸有所長

當斷不斷反受其亂俱史記

力年不如過豐年力桑不如見國卿刺繡文

不如倚市門風雅逸篇曰秋胡謂其妻云云非諺也傳止首二句文一作門

食石食金鹽可以支長久食石食玉豉可以

得長壽俱列女傳

唇亡而齒寒河水竭其壞在山別錄

越阡度陌互為主客文選注

足寒傷心民怨傷國史炤

莫衆而迷

莫二十人而迷

終日讓車不在一舍

白亦交前不顧流矢

無鄉之社易為黍肉無國之稷易為求福

上○求○材○臣○殘○木○上○求○魚○臣○竭○谷○

申○規○不○密○用○墜○禍○辟○

惑○者○知○友○迷○道○不○遠○

將○飛○者○翼○伏○將○奮○者○足○踟○將○噬○者○爪○縮○

人○之○相○去○如○九○牛○毛○

二○人○同○術○誰○昭○誰○冥○二○虎○同○穴○誰○死○誰○生○

斧○小○不○勝○柯○

以上並楊馮梅
臧諸本所載

問所

